



FONO AOAQ FAITULAFONO A SAMOA

**Lipoti a le Komiti o le Soifua Maloloina,
Galuega Tau i le Va Fealoai, Mataupu Tau
Lotoifale ma Atinae o Afioaga ma
Agafesootai**

i le

**“ Tulafono Tau Faaofi o le Faalapotopotoga
Faavae e Uunaia Le Soifua Maloloina
Lautele 2013”**

1. FAUTUAGA:

E fautuaina e le Komiti o le Soifua Maloloina, Galuega Tau Le Va Fealoai, Mataupu Tau Lotoifale ma Atinae o Afioaga ma Agafesootai le Fono Aoa ina ia faautagia lana Lipoti.

2. IUGAFONO :

Ina ia faagasolo le Tulafono Tau Faaofi o le Faalapotopotoga Faavae e Uunaia le Soifua Maloloina Lautele faatasi ai ma le Faasaoga o le Lomiga.

3. FAATOMUAGA:

O le Komiti o le Soifua Maloloina, Galuega Tau Le Va Fealoai, Mataupu Tau Lotoifale ma Atinae o Afioaga ma Agafesootai ua faavaeina i lalo o aiaiga o Tulafono Tumau 171:

Sui Usufono:**Filifilia:**

Afioga Hon. GATOLOAIFAANA A. Amataga Gidlow	Taitaifono	31/05/2011
Afioga Hon. AEAU Dr Peniamina Leavaiseeta	Sui Taitaifono	24/06/2011
Tofa MOTUOPUAA Uifagasa Dr Aisoli Vaai	Sui Usufono	24/06/2011
Afioga IFOPO Matia Filisi	Sui Usufono	31/05/2011
Tofa AVEAU Nikotemo Palamo	Sui Usufono	31/05/2011
Tofa SOOALO Mene	Sui Usufono	31/05/2011
Tofa ALO Fulifuli Taveuveu	Sui Usufono	03/10/2011
Afioga Hon. FAUMUINA Tiatia Faaolatane Liuga	Sui Usufono	18/08/2014

4. TULAFONO TUMAU 171:

E tusa ai ma aiaiga o Tulafono Tumau 171, o le a avea ma tiute o le Komiti o le Soifua Maloloina, Galuega Tau Le Va Fealoai, Mataupu Tau Lotoifale ma Atinae o Afioaga ma Agafesootai le:

- (a). **Iloiloina o so o se tulafono tau faaofi, talosaga po o so o se isi mataupu ua tuuina atu e le Fono Aoa po o e tusa ai ma nei Tulafono Tumau; ma Tala Faatatau o Tupe po o le toe iloiloina o le faatinoina o galuega a matagaluega e pei ona tuuina atu i ai e le Komiti o Faamatalaga o tupe a le Malo;**

- (e). **Suesueina o le faiga faavae, pulega ma tupe alu a matagaluega ma faalapotopotoga a le malo po o nisi faalapotopotoga e fesootai i mataupu tau soifua maloloina, galuega tau le va fealoai, mataupu tau lotoifale ma atinae o afioaga ma agafesootai.**

5. TULAFONO TAU FAAOFI NA ILOILOINA:

Tulafono Tau Faaofi o le Faalapotopotoga Faavae e uunaia le Soifua Maloloina Lautele 2013.

Na iloiloina e le Komiti o le Soifua Maloloina, Galuega Tau Le Va Fealoai, Mataupu Tau Lotoifale ma Atinae o Afioaga ma Agafesootai le Tulafono Tau Faaofi o le Faalapotopotoga Faavae e uunaia le Soifua Maloloina Lautele 2013 e tusa ai ma le Faatonuga na tuuina mai e le Fono Aoao i le aso 25 Iuni 2013.

6. TAUALUMAGA:

Na valaauina e le Komiti le mamalu o le atunuu e ala i ni faasalalauga faalauaitetele i luga o le Televisi (S.Q.B. TV 1) ma le leitio faasalalau a le Faalapotopotoga o Faasalalauga (2AP) mo ni finagalo faaalua po o ni finagalo tusitusia e faatatau i lenei Tulafono Tau Faaofi.

7. ILOILOGA A LE KOMITI.

7.1. FAATOMUAGA O LENEI TULAFONO TAU FAAOFI.

I le tausaga 1978, sa matatuina ai e le Faalapotopotoga o le Soifua Maloloina o le Lalolagi (WHO) le manaomia o le toe iloilo ma auiliili faiga faavae ma polokalame tau le puipua o le soifua maloloina lautele o le lalolagi (Health Prevention Systems) i lena vaitau. O lenei polokalame sa taulai ai finagalo autasi o le Faalapotopotoga o le Soifua Maloloina o le Lalolagi i le unaia o Polokalame tau le Puipua o le soifua maloloina muamua (Primary Health Care).

I le fonotaga muamua a Minista o Soifua Maloloina a le Pasefika sa usuia i le tausaga 1996, sa faavaeina ai ma amatalia ai loa polokalame faalauiloa a atunuu o le Pasefika sa taua o le “Soifua Maloloina o Atumotu Laiti” (Healthy Islands). O lea polokalame sa

fa'aautu i le faaaogaina o Faaiuga ma Iugafono a le Faalapotopotoga o le Soifua Maloloina o le Lalolagi (Ottawa Charter 1986), e talafeagai ma atumotu laiti o le Pasefika.

7.2. **SINI AUTU.**

O le faamoemoe o leni Tulafono e tusa ai ma molimau, o le faavaeina lea o se Faalapotopotoga e unaia le soifua maloloina lautele o le tatou atunuu.

I luga o le faavaeina o le Faalapotopotoga Faavae, o le a tulaia lana manulauti i polokalame faalauiloa mo le atunuu lautele, polokalame mo le puipuiga ma le taofiofia o fa'ama'i le pipisi o loo ua aafia ai le toatele o le atunuu. O lea foi aafiaga ua lē faapitoa ia Samoa, ae ua faapea ona afaina ai le laolagi atoa e pei ona ave iai le faamuamua a Taitai o Malo o le Lalolagi e pei ona iai le Feagaiga Faava o Malo ua maea ona pasia e le tatou Palemene ua taua o le Feagaiga a Malo Afaatasi i Fa'ama'i Lē Pipisi (United Nations Non Communicable Diseases Declaration (UNNCD)).

7.3 **VAEGA TAUA MO LE UUNAIA O LE SOIFUA MALOLOINA** ***(Health Promotion):***

1. Faalauiloa / unaia (Awareness and Advocacy)
2. Faalaeiau i ala tataua uma e tausia ai e le tagata lona lava ia soifua maloloina;
3. Fesootaiga i le galulue faatasi o vaega uma (public and civil societies) e lagolagoina ai leni Faalapotopotoga (Co-ordination/Co-operation).
4. Faatinoga (Implementation)
5. Tutiluliloaina o le faatinoga o leni Tulafono. (Monitoring and Evaluation)

7.4. TAUNUUGA VAAIA :

1. Ia faaititia le tulaga pagatia o loo iai nei le soifua maloloina o le atunuu lautele (Health Status).
2. Faaititia tupe alu a le Malo mo togafitiga o gasegase e afua mai i nei aafiaga.
3. Faatupega o lenei Faalapotopotoga e ao i le Malo ona faaaoga iai tupe maua mai i tiute faapitoa (Excise Tax) o taumafa ma vai inu uma o loo faatupulaia ai nei faamai ua afaina tele ai le mamalu o le tatou atunuu (tapa'a, ava malosi, fagusuamalie & meataumafa (ftg-povimasima... etc).
4. Ia tuufatasia e le Faalapotopotoga ma le Matagaluega o Aoga se polokalame e unaia ai tama ma tiene aoga i le taumafa paleni. O lea Polokalame e fesoasoani ai i le matafaioi tauave a le Faalapotopotoga e faaititia ai faamai ma tupe faaalu a le Malo i le togafitiina o nei faamai.
5. Ia faatino e afioaga ma alalafaga i lalo o le taitaiga a le Faalapotopotoga lenei polokalame aua e taua tele le sao o le auai o le atunuu lautele (Community Participation).

7.5. AOTELEGA O FINAGALO FAAALIA.

Sa faaalina ni atualuga a nisi o molimau i le faatupeina e le Malo o lenei Faalapotopotoga Faavae fou pe a pasia lenei Tulafono Tau Faaofi. O nisi finagalo na faaalina e faapea, e lē tatau le faavaeina o lenei Faalapotopotoga ona o loo faatinoina nei e nisi o le Vaega o le Matagaluega o le Soifua Maloloina auaunaga faale-soifua maloloina (Health Sector) nei, e manatu nisi o molimau o nei galuega ua i ai lea i se tulaga lelei ma le taugofie mo le Malo.

Na folasia foi finagalo o nisi o Molimau, ma lagā ai so latou finagalo ina ia faavae se Fono faa-soifua maloloina (Council), i lo latou talitonuga e taugofie ma faigofie ona ave iai finagalo ma fautuaga a Fomai aua o i latou ia o lo o iai le tomai faapitoa tau soifua maloloina. O lea tomai e taua tele e taitaiina ma faafoe ai polokalame faalauiloa.

Peitai, e talitonu le Komiti o lenei Faalapotopotoga Faavae o le a avea o se itutino e tutotonu iai le faasoasoina o polokalame e unaia ai le soifua maloloina. O lo o avanoa foi i le Tulafono Tau Faaofi lenei le faafaigaluegaina o se Fomai galue faavaitaimi pe a manaomia.

Na folasia foi finagalo a nisi o Molimau e pei ona fesiligia ai pe faapefea ona mataitu ma pulea fesoasoani tau tupe mai fafo. O lo o iai lo latou atugaluga ona e foliga mai o ia fesoasoani tau tupe mo faamoemoega tau puipuiga o le soifua maloloina, o le a agai uma i le Faalapotopotoga i le taimi o le a faavae ai. E atagia mai ai foi o le Faalapotopotoga Faavae o le a puleaina ma faasoasoina ese mai ai i le tualumaga o lo o iai nei.

Peitai ua faamaonia e le Komiti e tusa ai ma le molimau a le Matagaluega, o le tulaga tonu lava lea o le a faagaioi ai ia fesoasoani tau tupe, ma e lē o se tulaga foi e faapopoleina ai ona o lo o faafoeina lava e le poloketi i lalo o le vaaiaga a le Matagaluega o le Soifua Maloloina fesoasoani faapenei.

8. ILOILOGA AUILILI

I le maea ai o le Iloiloga Auiliili o lenei Tulafono Tau Faaofi, ua faamalieina le Komiti i aiaiga ua faatulai mai seia vagana ai se Faasaoga i le Fuaiupu Muamua o le Lomiga.

9. FAASAOGA.

Fuaiupu 1.

Ia aveese le fuainumera po o le tausaga “2013” ma suia i le fuainumera sa’o “2015”, ma faitauina ai le Igoa Puupuu o le Tulafono e faapea:-

“TULAFONO O LE FAALAPOTOPOTOGA FA AVAE E UUNAIA LE SOIFUA MALOLOINA LAUTELE 2015.”

10. IUGAFONO.

Ina ia faagasolo le Tulafono Tau Faaofi o le Faalapotopotoga Faavae e Uunaia le Soifua Maloloina Lautele 2013, faatasi ai ma le Faasaoga o le Lomiga.

Pepa Faapipii - 1.**1. FESOASOANI (T.T.-156)****Ofisa o le Loia Sili**

Aumua M Leung Wai	-	Loia Sili
Loretta Teueli	-	Loia Sili Lagolago

Matagaluega o le Soifua Maloloina

Leausa Dr Take Naseri	-	Faatonu Sili
Delphina Kerslake-Wulf	-	Loia Faufautua

2. MOLIMAU.**Matagaluega o Tupe**

Peseta Noumea Simi	-	Ofisa Sili Lagolago
--------------------	---	---------------------

Sosaiete a Fomai Tumaoti

Savaiinaea Leoo Dr John adams	-	Peresitene
Leituala Dr Ben Matalavea	-	Failautusi
Dr Malama Tafunai	-	Komiti Faatonu

Sosaiete Tamaitai Tausi Soifua

Fesolai Faamanatu Neilson	-	Peresitene
Solialofi Papalii	-	Sui Peresitene
Uaite Maninoa Sulu	-	Sui Auai
Retina Saitilofia A Imo	-	Sui Auai

Faalapotopotoga o le Soifua Maloloina a le Lalolagi (WHO-Samoa)

Dr Bao Ping	-	Faatonu Sili
Caroline Bollars	-	Fesoasoani

Sosaiete Fomai a Samoa

Dr Mauinuuese Imo	-	Peresitene
Leniu Dr Asua Faasino	-	Sui Auai
Tuliau Dr Saine Vaai - Nielsen	-	Sui Auai
Salausua Dr John Ah Ching	-	Sui Auai
Litara Esera Talifau	-	Failautusi

Matagaluega o Tina & Tamaitai

Leituala Kuiniselani Toelupe –Tago	-	Lē sa avea ma Ofisa Sili
Lemalama Taaloga Faasalaina	-	Ofisa Sili Lagolago o Pulega

Faalapotopotoga Faavae Tau Fatugao o Samoa

Mulipola Roger Hazelman	-	Pule Sili
-------------------------	---	-----------

Matagaluega o le Komesina o Faiga Palota

Papalii Malietau Malietoa	-	Komesina
---------------------------	---	----------

Auaunga Faa-Soifua Maloloina

Leota Lamositele Nuafesili L Laki Sio	-	Pule Sili
Dr Fara Fatupaito	-	Pule Lagolago
Dr Loloma Toelupe	-	Pule Lagolago
Dr Sale Fau	-	Pule Lagolago
James Faaasaina Belford	-	A/PNO

Afioga Hon PAPALIITELE Niko Lee Hang	-	Sui o le atunuu.
--------------------------------------	---	------------------

Tofa LEVAOPOLO Talatonu	-	Sui o le atunuu.
-------------------------	---	------------------

Afioga TOEOLESULUSULU Cedric P Schuster	-	Sui o le atunuu.
---	---	------------------

Susuga Palanitina T Toelupe	-	Sui o le atunuu.
-----------------------------	---	------------------

Susuga Namulauulu Dr Nuualofa Tuuau Potoi	-	Sui o le atunuu.
---	---	------------------

Pepa Faapipii - 2.

Hon GATOLOAIFAANA A. Alesana Gidlow
Taitaifono

AEAU Dr Peniamina Leavaiseeta
Sui Taitaifono

MOTUOPUAA Uifagasa Dr Aisoli Vaai
Sui Usufono

Hon FAUMUINA Tiatia F Liuga
Sui Usufono

IFOPO Matia Filisi
Sui Usufono

AVEAU Nikotemo Palamo
Sui Usufono

SOOALO Mene
Sui Usufono

ALO Fulifuli Taveuveu
Sui Usufono
